





小詩君一笑從來佳茗似佳人  
亦清圖  
天賦尚

次韻劉景文登介亭

澤國梅雨餘衰年困  
喬磨高堂磨新磚  
顯覺利  
慶尼松根

百尺井兩縷飛淨淥流觴聚兒童一笑為捧腹清風信可  
馭剛氣在巖麓始知其此世物外無三伏長歌入雲去不  
待絃管逐西湖真西子煙樹點眉目濤江少醜藉高浪翻  
雪屋俛仰拊四海百世飛鳥速遠追錢氏餘近乎祖侯躡  
吾生如寄耳寸晷輕尺玉誰似劉將軍逸韻謝邊幅千言  
一揮手五車不再讀春巖彩雞舞月峽哀猿哭朝先啼鳩  
起莫與寒蠶續我老廢吟哦賴君時擊觸從今事遠覽發  
軻此幽谷清遊得三昧至樂謝五欲莫作狂道士氣壓劉  
師服

東坡詩鈔

六十七

次韻蘇伯固主簿重九

雲間朱袖拂雲和知是長松挂女蘿髻重不嫌黃菊滿手  
香新喜綠橙搓墨翻衫袖吾方醉紙落雲煙子患多只有  
黃鷄與白髮玲瓏應識使君歌

再和楊公濟梅花

人去殘英滿酒樽不堪細雨濕黃昏夜寒那得穿花蝶知  
是風流楚客魂

北客南來豈是家醉看參月半橫斜他年欲識吳姬面  
燭三更對此花

予去杭十六年而復來留二年而去平生自覺出處

老少粗似樂天雖才名相遠而安分寡求亦庶幾  
焉三月六日來別南北山諸道人與下天然惠



當年衫鬢兩青青，強說重臨慰別情。衰髮祇今無可白，故應相對話來生。

元祐六年六月自杭州召還，汝公館我於東堂，閱舊詩卷，次諸公韻二首。

半熟黃粱日未斜，玉堂陰合手栽花。却尋三十年前味，未飯鐘聲已飯茶。

尺一東來喚我歸，衰年已迫故山期。文章曹植今堪笑，却卷波瀾入小詩。

次韻劉景文見寄

淮上東來雙鯉魚，巧將書信渡江湖。細看落墨皆松瘦，想見掀髯正鶴孤。烈士家風安用此，書生習氣未能無。莫因

東坡詩鈔

六十八

老驥息千里，醉後哀歌缺唾壺。

歐季默以油煙墨二丸見餉，各長寸許，戲作小詩。

書窓拾輕煤，佛帳掃餘馥。辛勤破千夜，收此一寸玉。癡人畏老死，腐朽同草木。欲將東山松，湮盡南山竹。墨堅人苦脆，未用歎不足。且當注蟲魚，莫草三千牘。

聚星堂雪

并敘

元祐六年十一月一日，禱雨張龍公得小雪，與客會飲聚星堂，忽憶歐陽文忠公作守時雪中約客賦詩禁體。

物語於艱難中，特由奇麗爾來四十餘年，莫有繼者。僕

以老門生，繼公後雖不足，追配先生而賓客之美，殆不

減。當時公之二子又適在郡，故輒舉前令各賦一篇，以

爲汝南故事云。

窓前暗響鳴枯葉龍公試手行初雪  
態斜飛正愁絕衆賓起舞風竹亂老  
翠袖點橫斜祇有微燈照明滅歸來尚喜更鼓永晨起不  
待鈴索掣未嫌長夜作衣稜却怕初陽生眼纈欲浮大白  
追餘賞幸有回颺驚落屑模糊檜頂獨多時歷亂瓦溝  
一瞥汝南先賢有故事醉翁詩話誰續說當時號令君聽  
取百戰不許持寸鐵

喜劉景文至

天明小兒便傳呼鬣劉已到城南隅尺書真是鬣手迹起  
坐爨眼知有無今人不作古人事今世有此古丈夫我聞  
其來喜欲舞病自能起不用扶江淮旱久塵土惡朝來清  
雨濯鬣鬚相看握手了無事千里一笑無乃迂平生所樂

東坡詩鈔

六十九

在吳會老死欲莖杭與蘇過江西來二百日冷落山水愁  
吳姝新堤舊井各無恙麥麥六一豈念吾別後新詩巧摹  
寫袖中知有錢塘湖

和劉景文見贈

元龍本志陋曹吳豪氣崢嶸老不除失路今爲噲等伍作  
詩猶似建安初西來爲我風驚面獨卧無人雪竊廬留子  
非爲十日飲要令安世誦亡書

次前韻送劉景文

白雲在天不可呼明月豈肯留庭隅怪君西行八百里清  
坐十日一事無路人不識呼尚書但見凜凜雄千夫  
僕率然相訪逆旅多呼豈知入骨愛詩酒醉倒正欲蛾眉  
尚書意謂君都頭也君前有詩見寄云  
扶一篇向人寫肝肺四海知我霜鬣鬚四海共知霜鬣鬚



重陽節神  
菊花無

歐陽趙陳皆有豈謂夫子駕復迂爾來又見

三黜柳共此暖熱餐醴酒微酸薄紅粉暗祇有潁水清

而殊一朝寂寞風雨散對影誰念月與吾聊平日與歐陽  
履常相從而景文復空不數日柳旅之亦見過賓客  
之盛頃所未有然不數日叔弼景文戒之皆去矣何時

歸帆泝江水春酒一變甘棠湖景文近卜居九江近甘棠湖

新渡寺席上次趙景旼陳履常韻送歐陽叔弼比來

諸君唱和叔弼但袖羊旁睨而已臨別忽出一篇  
頗有淵明風致坐皆驚歎

神屠不目全妙頰惟壯半更刀乃族庖倚市必醜悍平生

魏公籌忽斲鄂人墁詩書亦何用適道須此館多言雖數

窮微中或排難子詩如清風寥寥發將且胡爲久閉匿綺

語真自患許時笑我癡隔屋相咏歎竟識彥道否絕叫呼

東坡詩鈔

七十

百萬清朝固多士入門子皆冠莫言清潁水從此隔河漢

異時我獨來得魚楊柳貫持歸不忍食尺素解悽斷中有

清圓句銅丸飛柘彈春愁結凌澌正待一笑泮百篇儻寄

我呻吟鄭人緩

次韻趙景旼春思且懷吳越山水

歲華來無窮老眼久已靜春風如繫馬未動意先騁西湖

忽破碎烏落魚動鏡縈城理枯瀆放闌起膠艇願君營此

樂官事何時竟清河西湖三  
關督君成之息吳信偶然出處付前定飄

然不繫舟乘此無盡興醉翁行樂處草木皆可敬明朝遊

北渚急掃黃葉徑白酒真到齊紅羃已放鄭酒尚有香泉  
一壺爲樂全

先生服不作樂也

和陳傳道雪中觀燈

新年樂事歎何曾閉閣燒香一病僧未忍便傾澆別酒且  
來同看照愁燈頽魚躍處新亭近湖雪消時畫舫升祗恐  
樽前無此客清詩還有士龍能

病中夜讀朱博士詩

病眼亂燈火細書數塵沙君詩如秋露淨我空中花古語  
多妙寄可識不可誇可笑在頽頽哀音餘慘澹曾坑一掬  
春紫餅供千家懸知貴公子醉眼無真茶崎嶇爛石上得  
此一寸芽緘封勿浪出湯老客未嘉

送晁美叔

我年二十無朋儔當時四海一子由君來扣門如有求願  
然病鶴清而脩醉翁遣我從子游翁如退之蹈軻丘尚欲  
放予出一頭嘉祐初軾與子由寓興國塔室美叔忽見訪云君從歐陽公游久矣公令我來與子定交

東坡詩鈔

七十一

謂子必名世老夫亦須放他出一頭地酒醒夢斷四十秋病鶴不病骨愈蚪  
惟有我顏老可羞醉翁賓客散九州幾人白髮還相收我  
如懷祖拙自謀正作尚書已過優君求會稽寔良籌往看  
萬壑爭交流君近乞越州

僕所藏仇池石希代之寶也王晉卿以小詩借觀意在於奪僕不敢不借然以此詩先之

海石來珠宮秀色如蛾綠坡陀尺寸間宛轉陵巒足連娟  
二華頂空洞三茆腹初疑仇池化又恐瀛洲壓啓懃嶠南  
使餽餉淮東牧僕在揚州程德孺由嶺南解官以此石見遺得之喜無寐與汝  
交不瀆盛以高麗盆藉以文登玉僕以高麗所鑄大銅盆貯之又以登州海石如  
碎其足幽光先五夜冷氣壓三伏老人生如寄衛弗久未  
卜一夫幸可致千里還料逐風流貴公子竄謫武當谷見



山應已厭何事奪所欲欲留度趙弱寧許負秦曲傳觀慎  
勿許間道歸更速

王晉卿示詩欲奪海石錢穆父王仲至蔣穎叔皆次  
韻穆至二公以爲不可許獨穎叔不然今日穎叔  
見訪親觀此石之妙遂悔前語賦以謂晉卿豈可  
終閉不許者若能以韓幹二散馬易之者蓋可許  
也復次前韻

相如有家山縹渺在眉綠誰云千里遠寄此一輦足平生  
錦繡腸蚤散熬覓腹從教四壁空未遣兩峰感吾今况衰  
病義不忘樵牧逝將仇池石歸弄岷山瀆守子不貪寶完  
我無瑕玉故人詩相戒妙語予所伏一篇獨異論三占從  
兩卜君家畫可數天驥紛相逐風驪掠原野電尾稍澗谷  
東坡詩鈔 七十二

君如許相易是亦我所欲今朝安西守來聽陽關曲勸我  
留此峰他日來不速

軾欲以石易畫晉卿難之穆父欲兼取二物穎叔欲  
焚畫碎石乃復次前韻并解三詩之意

春水無真豎露葉失故綠鸚疑鵬萬里咤笑夔一足二豪  
爭攘袂先生一捧腹明鏡旣無臺淨流何用感古號盆山

不可隱畫馬無由牧聊將置庭宇何必棄溝瀆感通焚寶真愛

寶碎玉未忘玉久知公子賢出語耆年伏欲觀博物妙故

以求馬下維摩旣復捨天女還相逐授之無盡燈照此久

幽谷定心無一物法樂勝五欲三峨吾鄉井萬里君部曲  
卧雲行歸休破賊見神速晉卿將種常有此志

王元侍飲樓上三首呈同列

薄雪初消野未耕  
賣薪買酒看升平  
吾君勤儉倡優拙  
自是豐年有笑聲

老病行穿萬馬羣  
九衢人散月紛紛  
歸來一點殘燈在  
猶有傳柑遺細君  
侍飲樓上則賞賦爭以黃柑遺近臣謂之矣

七年九月自廣陵召還復館于浴室東堂  
八年六月乞會稽將去汶公乞詩乃復用前韻

乞郡三章字半斜  
廟堂傳笑眼昏花  
上人問我遲留意  
待賜頭綱餅茶  
尚書學士得賜頭綱龍茶一斤八餅今年

夢遶吳山却月廊  
白梅盧橘覺猶香  
杭州梵天寺有月廊數百間寺中多白梅  
歸田策最良

東南此去幾時歸  
倦鳥孤雲豈有期  
斷送一生消底物  
三年光景六篇詩

東坡詩鈔

寄留合刷餅與子由

老人心事日摧頽  
宿火通紅手自焙  
小甌短餅良具足  
穉兒嬌女共燔煨  
寄君東閣閑烝栗  
知我空堂坐畫灰  
約束家僮好收拾  
故山梨棗待翁來

次韻劉濤撫寄蜜漬荔枝

時新滿座聞名字  
別久何人記色香  
葉似楊梅烝霧雨  
花如盧橘傲風霜  
每憐蓴菜下鹽豉  
官與蒲萄壓酒漿  
回首驚塵卷飛雪  
詩情真合與君嘗

子由生日以檀香觀音像及新合印香銀篆繫為壽

旃檀婆律海外芬  
西山老躋栢所薰  
香蠟脫麝來相羣  
能結縹渺風中雲  
一燈如螢起微燄  
何時度盡繆篆紋  
繚繞無窮合復分  
綿綿浮空散氤氲  
東坡詩是壽卯君  
君少與



我師皇墳旁資老聃釋迦文其厄中年黠蠅蛟晚遇斯須  
何足云君方論道承華勳我亦旗鼓嚴中軍國恩當報敢  
不勤但願不爲世所醜爾來白髮不可耘問君何時返鄉  
枌收拾散亡理放紛此心實與香俱烈聞息大士應已聞  
次韻李端叔謝送小戲鸞鴛竹石圖

聞君談西廢食忘蚤時士師本不陣賊壘何足剗守邊  
在得士此語要而簡知論將口似我識畫眼笑指塵壁  
開此是老牛馱平生師齋玠非意常理遣訴君定何人未  
用市朝顯置之勿復道世俗固多舛歸去亦何須單車渡  
殺灑如蟲得羽化已脫安用爾家書空萬軸涼曝困舒卷  
念當掃長物閉息默自煖此畫聊付君幽處得小展新詩  
勿縱筆羣吠驚邑犬時來未可知妙斷待輪扁

東坡詩鈔

七十四

過湯陰市得豌豆大麥粥示三兒子

朔野方赤地河濡但黃塵秋霖暗豆漆夏旱矐麥人逆旅  
唱晨粥行庖得時珍青班照匕筋脆響鳴牙齧玉食謝故  
吏風餐便逐臣漂零竟何適浩蕩寄此身爭勸加飲食實  
無負吏民何當萬里客歸及三年新

子由新脩汝州龍興寺吳畫壁

丹青久衰工不菘人物尤難到今世每摹市井作公卿畫  
手懸知是徒隸吳生已與不傳死那復典刑留近歲人間  
幾處變西方盡作波濤翻海勢細觀手面分轉側妙算毫  
釐得天契始知真放本精微不比狂花生客慧似闡遺墨  
留汝海古壁蝸涎可垂涕力捐金帛扶棟宇錯落浮雲卷  
新霽使君坐獻清夢餘幾疊衣紋數襟袂他年弔古知有

人姓名聊記東坡弟

慈湖夾阻風三首

此生歸路愈茫然無數青山水拍天猶有小船來賣餅喜  
聞墟落在山前

我行都是退之詩真有人家水半扉千頃桑麻在船底空  
餘石髮挂魚衣

卧看落月橫千丈起喚清風得半帆且並水村欹側過人  
間何處不巉巖

秧馬歌

并引

過廬陵見宣德郎致仕曾君安止所出作永譜文旣溫  
雅事亦詳實惜其有所缺不譜農器也予昔遊武昌見  
農夫皆騎秧馬以榆莢爲腹欲其滑以楸桐爲背欲其

東坡詩鈔

七十五

輕腹如小舟昂其首尾背如覆瓦以便兩髀雀躍于泥  
中繫束藁其首以縛秧日行千畦較之偃僂而作者勞  
佚相絕矣史記禹乘舩載泥行乘髑解者曰髑形如箕  
摘行泥上豈秧馬之類乎作秧馬歌一首附于永譜之  
末云

春雲濛濛雨淒淒春秋欲老翠剗齊嗟我婦子行水泥朝  
分一瓏暮千畦腰如篋首啄雞筋煩骨殆聲酸嘶我有  
桐馬手自提頭尻軒昂腹脇低背如覆瓦去角圭以我兩  
足爲四蹄聳踊滑汰如鳧鷖纖纖束藁亦可齎何用繫纓  
與月題榻從畦東走畦西山城欲閉聞鼓聲忽作的盧躍  
檀溪歸來挂壁從高栖了無芻秣飢不啼少壯騎汝逮老  
鷲何曾蹶軼防顛擠錦韉公子朝金閨笑我一生躅牛犁



不知自有木馱馱

八月七月初入贛過惶恐灘

七千里外二毛人十八灘頭一葉身山憶喜歡勞遠夢蜀道  
有錯喜歡鋪在大散關上地名惶恐泣孤臣長風送客添帆腹積雨扶舟滅石鱗便合與官充水手此生何止略知津

天竺寺 并引

予年十二先君自虔州歸爲予言近城山中天竺寺有樂天親書詩云一山門作兩山門兩寺元從一寺分東澗水流西澗水南山雲起北山雲前臺花發後臺見上界鐘清下界聞遙想吾師行道處天香桂子落紛紛筆勢奇逸墨迹如新今四十七年矣予來訪之則詩已亡有刻石存耳感涕不已而作是詩

東坡詩鈔

七十六

香山居士留遺迹天竺禪師有故家空咏連珠吟疊壁已亡飛鳥失驚蛇林深野桂寒無子雨巖山薑病有花四十七年真一夢天涯流落涕橫斜

舟行至清遠縣見顧秀才極談惠州風物之美

到處聚觀香案吏此邦宜着玉堂仙江雲漠漠桂花濕海雨翛翛荔子然聞道黃柑常抵鵲不容朱橘更論錢恰從神虎來弘景便向羅浮見雜川

廣州蒲間寺

地產菖蒲十二節相傳安期生之故居始皇訪之於此

不用山僧導我自尋雲外出山泉千章古木臨無地百尺飛濤瀉漏天舊日菖蒲方士宅後來蒼蘆祖師禪而今祇有花含笑笑道秦皇欲學仙山中多含笑花

朝雲詩 并引

世謂樂天有粥駱馬放楊柳枝詞嘉其主老病不忍去也然夢得有詩云春盡絮飛留不得隨風好去落誰家樂天亦云病與樂天相伴住春隨樊子一時歸則是樊素竟去也予家有數妾四五年相繼辭去獨朝雲者隨予南遷因讀樂天集戲作此詩朝雲姓王氏錢塘人嘗有子曰幹兒未替而夭云

不似楊枝別樂天恰如通德伴伶玄阿奴絡秀不同老天女維摩總解禪經卷藥爐新活計舞衫歌扇舊因緣丹成逐我三山去不作巫陽雲雨仙

十一月二十六日松風亭下梅花盛開

春風嶺上淮南村昔年梅華曾斷魂

明年正月在破亭道中賦詩云去見梅花有兩絕句

東坡詩鈔

七十七

蛭雨愁黃昏長條半落荔支浦卧樹獨秀桺柳園豈惟幽光留夜色直恐冷艷排冬溫松風亭下荆棘裏兩株玉蓋明朝瞰海南仙雲嬌墮砌月下縞衣來扣門酒醒夢覺起繞樹妙意有在終無言先生獨飲勿歎息幸有落月窺清樽

再用前韻

羅浮山下梅花村玉雪為骨冰為魂紛紛初疑月掛樹耿耿獨與參橫昏先生索居江海上悄如病鶴栖荒園天香國艷官相顧知我酒熟詩清溫蓬萊宮中花鳥使綠衣倒挂扶桑噉抱叢窺我方醉卧故遣啄木先敲門麻姑過君急酒掃鳥能歌舞花能言酒醒人散山寂寂惟有落盞粘空樽

嶺南珍禽有倒挂子綠毛紅象如鸚鵡而小自海東來非塵埃間物也



新釀桂酒

擣香篩辣入鉶盆盎盎春溪帶雨渾收拾小山藏社甕招  
呼明月到芳樽酒材已遣門生致菜把仍叨地主恩爛煮  
葵羹斟桂醕風流可惜在蠻村

花落復次前韻

玉妃謫墮煙雨村先生作詩與招魂人間草木非我對奔  
月偶挂成幽昏闔香入戶尋短夢青子綴枝留小園披衣  
連夜喚客飲雪膚滿地聊相溫松明照坐愁不睡并花入  
腹清而暇先生年來六十化道眼已入不二門多情好事  
真習氣惜花未忍終無言留連一物吾過矣笑領百罰空  
罍樽

詹守攜酒見過用前韻作詩聊復和之

東坡詩鈔

七十八

箕踞狂歌老瓦盆燎毛燔肉似羗渾傳呼草市來攜客酒  
掃漁磯共置樽山下黃童爭看舞江干白骨已銜恩時詹方議  
荃暴孤雲落日西南望長羨歸鴉自識村

寄鄧道士

并引

羅浮山有野人相傳葛稚川之隸也鄧道士守安山中  
有道者也嘗於庵前見其足迹長二尺許紹聖二年正  
月十日予偶讀韋蘇州寄全椒山中道士詩云今朝郡  
齋冷忽念山中客澗底束荆薪歸來煮白石遙持一樽  
酒遠慰風雨夕落葉滿空山何處尋行迹乃以酒一壺  
仍依蘇州韻作詩寄之云

一杯羅浮春遠餉採薇客遙知獨酌罷醉卧松下石幽人  
不可見清嘯聞月夕聊戲庵中人空飛本無迹

上元夜

前年侍玉輦端門萬枝燈壁月挂果恩珠星綴瓠稜去年  
中山府老病亦霄興牙旗穿夜市鐵馬響春冰今年江海  
上雲房寄山僧亦復舉膏火松間見層層散策枕椰林  
疎月鬪鬢使君置酒罷簫鼓轉松陵狂生來索酒

賈道一人也

正月二十四日與兒子過賴仙芝玉原秀才僧曇穎

行全道七何宗一同遊羅浮道院及栖禪精舍過  
作詩和其韻寄邁迨

斷橋隔勝踐脫屣欣小憩瘴花已繁紅官柳猶疎細斜川  
二三子悼歎吾年逝淒涼羅浮館風壁頽雨砌黃冠常苦  
飢迎客羞破袂仙山在何許歸鶴時墮毳崎嶇拾松黃欲  
救齒髮弊坐令禪客笑一夢等千歲栖禪晚置酒蠻果粲  
羹荔齋厨釜無羹野餉籃有蕙嬉遊趁時節俯仰了此世  
猶當洗業障更作臨水袂寄書陽美兒并語長頭弟門戶  
各努力先期畢租稅

東坡詩鈔

七十九

正月二十六日偶與數客野步嘉祐僧舍東南野入  
家雜花盛開扣門求觀主人林氏媪出應白髮青  
裙少寡獨居三十年矣感歎之餘作詩記之

縹帶細枝出絳房綠陰青子送春忙涓涓泣露紫含笑焰  
焰燒空紅佛桑落日孤煙知客恨短籬破屋爲誰香主人  
白髮青裙袂子美詩中黃四娘

追餞正輔表兄至博羅賦詩爲別

孤城南遊墮黃菅君亦何事來收蠻艦舟登戶龍岡窟置



酒柳葉梳榔間高談已笑哀語陋傑句尤覺清詩辱博羅  
小縣僧舍古我不忍去君忘還君應回望秦與楚夢涉漢  
水愁秦關我亦坐念高安客神遊黃檗叅洞山何時曠蕩  
洗瑕謫與君歸駕相追攀梨花寒食隔江路兩山遙對雙  
烟鬢歸耕不用一錢物惟要兩脚飛屣顏玉牀丹鏃記分  
我助我金鼎光爛斑

真一酒

并引

米麥水三一而已此東坡先生真一酒也

撥雪披雲得乳泓蜜蠶又欲醉先生

真一色味頗類予在黃州日所醞蜜酒也

稻垂麥仰陰陽足器潔泉新表裏清曉日着顏紅有暈春  
風入髓散無聲人間真一東坡老與作青州從事名

游博羅香積寺

并引

東坡詩鈔

八十

寺去縣七里三山大牙夾道皆美田麥禾甚茂寺下谿  
水可作碓磨若築塘百步闊而落之可轉兩輪舉四杵  
也以屬縣令林抃使督成之

二年流落盡魚鄉朝來喜見麥吐芒東風搖波舞淨綠初  
日法露酣嬌黃汪汪春泥已沒膝剗剗秋穀初分袂誰言  
萬里出無友見此二美喜欲狂三山屏擁僧舍小一谿雷  
轉松陰涼要令水力供禮磨與相地脉增隄防霏霏落雪  
看收麪隱隱壘鼓聞春糠散流一啜雲子白炊裂十字瓊  
肌香豈惟牢丸薦古味

東晉餅賦云漫頭薄持起搜炸丸

要使真一流仙

漿詩成捧腹便絕倒書生說食真膏旨

連雨江漲

越井岡頭雲出山狎柯江上水如天林牀避漏幽人屋蒲

浦移家艇子船龍卷魚鰕并雨落入隨雞犬上墻眠祇應樓下平階水長記先生過嶺年

四月初十日食荔支

南村諸楊北村盧

謂楊梅盧橘也

白花青葉冬不枯垂黃綴紫煙

雨裏特與荔支爲先驅海山仙人絳羅襦紅紗中單白玉膚不須更待妃子笑風骨自是傾城姝不知天工有意無遣此尤物生海隅雲山得伴松檜老霜雪自圓橙梨龕先生洗殘酌桂醕冰盤薦此頰虬珠似開江鱈斫玉柱更洗河豚烹腹腴

予嘗謂荔支厚味高格兩絕果中無比惟江鱈柱河豚魚近之耳

我生涉世本爲口一官久已輕尊鱸人間何者非夢幻南來萬里真良圖

枕榔杖寄張文潛一首時初聞黃魯直遷黔南范淳

東坡詩鈔

八十一

父九疑也

睡起風清酒在亡身隨殘夢兩茫茫江邊曳杖枕榔瘦林下尋苗蕞撥香獨步儻逢响屐令遠來莫恨曲江張遙知魯國真男子獨憶平生盛孝章

同正輔表兄游白水山

偉哉造物直豪縱攫土搏沙爲此弄擘開翠峽走雲雷截破奔流作潭洞因隨化人履巨迹得與仙兄攝飛鞚曳杖不知巖谷深穿雲但覺衣裘重坐看驚鳥投霜葉知有老蛟蟠石甕金沙玉礫聚可數古鏡寶奩寒不動念兄獨立與世疎絕境難到惟我共永辭角上雨蠻觸一洗胷中九雲夢浮來山高回望失武陵路絕無人送筠籃擲翠爪甲香素纒分碧銀餅凍歸路霏霏湯谷暗野堂活活神泉涌



解衣浴此無垢人身輕可試雲間鳳

次韻正輔同游白水山

祇知楚越為天涯不知用膽非一家此身如綫自縈繞左  
回右轉隨練車誤拋山林入朝市平地咫尺千褒邪欲從  
稚川隱羅浮先與靈運開永嘉首參虞舜款韶石次謁六  
祖登南華仙山一見五色羽雪樹兩摘南枝花赤魚白蟹  
筋屨下黃柑綠橘邊常加糖霜不待蜀客寄荔枝莫信閩  
人誇恣傾白蜜收五稜細斲黃土栽三椽正輔分人參一  
苗歸種韶陽來  
詩本用碑字惠州無書不見  
此字所出故且從本奉和朱明洞裏得靈草翩然放杖  
凌蒼霞豈無軒車駕熟鹿亦有鼓吹號寒蛙仙人勸酒不  
用勺石上自有樽罍窪徑從此路朝玉闕千里莫遣毫釐  
差故入日夜望我歸相迎欲到長風沙豈知乘槎天女側

東坡詩鈔

八十二

獨倚雲機看織紗世間誰似老兄弟篤愛不復相疵瑕相  
攜行到水窮處庶幾一見留子嗟千年枸杞常夜吠無數  
草棘工藏遮但令凡心一洗濯神人仙藥不我遐山中歸  
來萬想滅豈復回顧雙雲鴉

十一月九日夜夢與人論神仙道術因作一詩八句

既覺頗記其語錄呈子由弟後四句不甚明了今

足成之耳

析塵妙質本來空夢中於此句若  
了然有所得者更積微陽一綫功照夜

一燈長耿耿閉門千息自濛濛養成丹竈無煙火點盡人

間有暈銅寄語山神停伎倆不聞不見我何窮

雨後行萊

夢回聞雨聲喜我萊甲長平明江路濕並岸飛雨漿天公

眞富有膏乳瀉黃瓊霜根一蕃滋風葉漸俯仰未任筐筥  
載已作杯案想艱難生理窄一味敢專饗小摘飯山僧清  
安寄眞賞芥藍如菌葷脆美牙頰響白菘類羔豚冒土出  
踏掌誰能視火候小竈當自養

新年

曉雨暗入日春愁連上元水生挑菜渚煙濕落梅村小市  
人歸盡孤舟鶴鷗翻猶堪慰寂寞漁火亂黃昏  
海國空自暖春山無限清水谿結瘴雨雪菌到江城更待  
輕雷發先催凍笋生豐熟有藤菜似可敵蓴羹

二月八日與黃煮僧曇穎過逍遙堂何道士宗一問  
疾

安心守玄牝閉眼覓黃庭問疾來三士澆愁有半餅風松  
時落藥病鶴不梳翎樽空我歸去山月照君醒

東坡詩鈔

八十三

韻高要令劉湜峽山寺見寄

新

聞妙無多舊學閑可求猶當隱季生未遽逃梅福空腸

吐餘思靜似蠶綴簇寸田結初果秀若銅生綠荆棘掃誠

盡梨棗憂不熟高人寧鑄金下士乃服玉若看嶺嶠歸卧甘

欲巾笥蓄曾攀羅浮頂亦到朱明谷旋觀眞歷塊歸卧甘

破屋故人老猶在世味薄如穀偶從越女笑不怕蠻江浴

驚聞尺書到喜有新詩辱應憐五管客曾作夔州督骨消

讒口鑠膽破獄吏酷隴雲不易寄江月乃可掬遙知清遠

寺不稱空洞腹蹇驢步武碎短瑟絃柱促仰看泉落珮俯

聽石響敲千峰瀉清駛一往無回踞狂雷失晤語過電不

容目要知僧長飢正坐山少肉人間無南北蝸角空出縮



仇池九十九

仇池有九十九泉

嵩山三十六

子由近買四陽翟北望嵩

山甚

天人同一夢仙凡無兩錄陋邦真可老生理亦粗足

便回熱天焰長作照海燭

詩云蓮花合裏一寸燭此馬海

中澆百川魯直蓋近有得也

### 遷居

有別

吾紹聖元年十月二日至惠州寓合江樓是月十八日

遷于嘉祐寺二年三月十九日復遷于合江樓三年四

月二十日復歸于嘉祐寺時方卜

築白鶴峰之上新居成廢幾其少安乎

前年家水東回首夕陽麗去年家水西濕面春雨細東西

兩無擇緣盡我輒逝今年復東徙舊館聊一憇已買白鶴

峰規作終老計長江在北戶雪浪舞吾砌青山滿牆頭髮

鬢幾雲鬢雖慙抱朴子金鼎陋蟬蛻猶賢柳柳州廟俎薦

### 東坡詩鈔

八十四

丹荔吾生本無待俯仰了此世念念自成劫塵塵各有際

下觀生物息相吹等蚊蚋

### 丙子重九

三年瘴海上越嶠真我家登山作重九巒菊秋未花唯有

黃茱根堆壠生坊家涎酒藥衆毒酸甜如梨楂何以侑一

樽隣翁餽畫蛇亦復強取醉歡語雜悲嗟今年吁惡歲僵

仆如亂麻此會我雖健狂風卷朝霞使我如霜月孤光挂

天涯西湖不欲往墓樹號寒鴉

### 白鶴峰新居欲成夜過西鄰翟秀才

林行婆家初閉戶翟夫子舍尚留關連娟缺月黃昏後纒

眇新居紫翠間繫悶豈無羅帶水

韓退之云水作青羅帶山爲碧玉簪割愁

還有劔鏃山

柳子厚云海上天峰若劔鏃秋來處處割愁腸皆嶺南詩也

中原北望無

歸日鄰火村春自往還

次韻子由所居二首

先生飯土墻無物與劉又何以娛醉客時艱砌下花井水分西鄰竹陰借東家蕭然行脚僧一身寄天涯

新居已覆瓦無復風雨憂橙栽與籠竹小詩亦可求尚欲煩貳師刻山出飛流應須鑿百尺兩繩載一牛

循守臨行出小彙復用前韻

學語縱騁在柳陰臨行呼出翠帷深通家不隔同年面守

同年得路方知異日心趁着春衫游上苑要求國手教新

音嶺梅不用催歸騎截鐙須防舊所臨

循守近爲韻

種茶

松間旅生茶已與松俱瘦茨棘尚未容蒙翳爭交構天公

東坡詩鈔

八十五

所遺棄百歲仍稚幼紫筭雖不長孤根乃獨壽移栽白鶴嶺土軟春雨後彌旬得連陰似許晚遂茂能忘流轉苦戢戢出鳥味未任供白磨且作資摘嗅千團輸大官百餅銜私闕何如此一啜有味出吾園

白鶴山新居鑿井四尺遇盤石石盡乃得泉

海國困烝溽新居利高寒以彼陟降勞易此寢處乾但苦江路峻常慙汲腰酸矻矻煩四夫磽磽斲層巒彌旬得尋丈下有青石磐終日但逆火何時見飛瀾豐我粲與醪利汝椎與鑽山石有時盡我意殊未闌今朝僮僕喜黃土復可搏晨餅得雪乳莫甕浮冰滯我生類如此何適不艱難一勺亦天賜曲肱有餘歡

三月二十九日



南嶺過雲開紫翠北江飛雨送淒涼酒醒夢回春盡日開門隱几坐燒香

行瓊儋間肩輿坐睡夢中得句云千山動鱗甲萬谷

酣笙鐘覺而遇清風急雨戲作此數句

四州環一島百洞蟠其中我行西北隅如度月半弓登高望中原但見積水空此生當安歸四顧真途窮眇觀大瀛海坐詠談天翁茫茫太倉中一米誰雌雄幽懷忽破散永燭來天風千山動鱗甲萬谷酣笙鐘安知非羣仙鈞天宴未終喜我歸有期舉酒屬青童急雨豈無意催詩走羣龍夢雲忽變色笑雷亦改容應怪東坡老顏衰語徒工久矣此妙聲不聞蓬萊宮

遷居之夕聞鄰舍兒誦書欣然而作

東坡詩鈔

卷十六

幽居亂蛙黽生理半人禽覺然已可喜况聞弦誦音兒聲自負美誰家兩青衿且欣習齊咻未敢笑越吟九齡起韶石姜子家日南吾道無南北安知不生今海濶尚挂斗天高欲橫參荆榛短牆缺燈火破屋深引書與相和置酒仍獨斟可以侑我醉琅然如玉琴

聞子由瘦

儋耳至難得肉食

五日一見花豬肉十日一過黃雞粥土人頓頓食諸芋薦以熏鼠燒蝙蝠舊聞蜜啣嘗嘔吐稍近蝦蟇緣習俗十年京國厭肥瘠日日蒸花壓紅玉從來此腹負將軍今者固宜安脫粟俗諺云大將軍食飽刺腹而歎曰我不負汝左右曰將軍固不負此腹此腹負將軍未嘗出少智慮也入言天下無正味卽且未遽賢麋鹿海康別駕復何爲喟寬帶落驚僮僕相看會作兩臞仙還鄉定可騎黃鵠

宥老楮

我墻東北隅張王維老穀樹先樗櫟大葉等桑柘沃流膏  
馬乳漲墮子楊梅熟胡爲尋丈地養此不材木蹶之得興  
薪規以種松菊靖言求其用略數得五六膚爲蔡候紙子  
入桐君錄黃繒練成素黝面頰作玉灌酒柔生菌腐餘光  
吐燭雖無傲霜節幸免狂醒毒孤根信微陋生理有倚伏  
投斧爲賦詩德怨聊相贖

糴米

糴米買束薪百物資之市不緣耕樵得飽食殊少味再拜  
請邦君願受一塵地知非笑昨夢食力免內愧春秧幾時  
花夏稗忽已穉悵焉撫耒耜誰復識此意

過於海舶得邁寄書酒作詩遠和之皆粲然可觀子

東坡詩鈔

八十七

由有書相慶也因用其韻賦一篇并寄諸子姪

我似老牛鞭不動雨滑泥深四蹄重汝如黃犢走却來海  
澗山高百程送度幾門戶有入慈不恨屈邱無二仲他年  
汝曹笏滿牀中夜起舞踏破甕會當洗眼看騰躍莫指癡  
腹笑空洞譽兒雖是兩翁癯積德已自三世種豈惟萬一  
許生還尚恐九十頰珍從六子晨耕簞瓢出衆婦夜績燈  
火共春秋古史乃家法詩筆離騷亦時用但令文字還照  
世龔土腐餘安足夢

上元夜過赴儋守召獨坐有感

戊寅歲

使君置酒莫相違守舍何妨獨掩扉靜看月窓盤蠲嘶卧  
聞風幔落蛩寒花結盡吾猶夢香篆消時汝欲歸搔首  
淒涼十年事傳村遺滿朝衣



新居

朝陽入北林竹樹散疎影短籬尋丈間寄我無窮境舊居  
無一席逐客猶遭屏結茅得茲地翳翳村巷永數朝風雨  
涼哇菊發新穎俯仰可卒歲何必謀二頃

用過韻冬至與諸生飲酒

小酒生黎法乾糟几盎中芳辛知有毒滴瀝取無窮凍醴  
寒初滋春醅暖更饒華 兩樽合醉笑一歡同里閭峩山  
北田園震澤東歸期那敢說安訊不曾通鶴鬢驚全白犀  
圍尚半紅愁顏解符老壽耳關吳翁得穀鵝初飽亡猫鼠  
益豐黃薑收上芋蒼耳新霜叢見瘦緣儲藥奴肥爲種松  
頻頻非竊食數數尚乘風河伯方夸若靈媧自舞馮歸途  
陷泥渾炬火燎茅蓬滕上王文度家傳張長公和詩仍醉

東坡詩鈔

八十八

墨戲海亂羣鴻

符吳皆坐客其餘皆卽事實錄也

縱筆

父老爭看烏角巾應緣曾現宰官身谿邊古路三叉口獨  
立斜陽數過人

此船不到米如珠醉飽蕭條半月無明日東家知祀竈隻  
雞斗酒定贖吾

被酒獨行徧至子雲威嶽先覺四黎之舍二首

半醒半醉問諸黎竹刺藤梢步步迷但尋牛矢覓歸路家  
在牛欄西復西

總角黎家三小童口吹葱葉送迎翁莫作天涯萬里意谿  
邊自有舞雩風

庚辰歲人日作時聞黃河已復北流老臣舊數論此

今斯言乃驗

老去仍栖隔海村夢中時見作詩孫天涯已慣逢人日歸  
路猶欣過鬼門三策已應息賈讓孤忠終未赦虞翻典衣  
剝買河源米屈指新筍作上元

不用長愁挂月村檳榔生子竹生孫海南勒竹每節生枝如竹竿大蓋竹孫也

新巢語燕還窺視舊雨來人不到門春水蘆根看鶴立夕

陽楓葉見鴉翻此生念念隨泡影莫認家山作本元

庚辰歲正月十二日天門冬酒熟予自漉之且漉且

嘗遂以大醉

自撥林頭一甕云陶人先已醉濃芬天門冬熟新年喜麴

米春香並舍聞札子美詩云聞道雲安麴米春蒸酒名也菜圃漸疎花漠漠竹

扉斜掩雨紛紛擁裘睡覺知何處吹面東風散纈紋

東坡詩鈔

八十九

追和戊寅歲上元

春鴻社燕巧相違白鶴蜂頭白板扉石建方欣洗踰廁姜

龐不解歎嘯蛾一龕京口嗟春夢萬炬錢塘憶夜歸合浦

賣珠無復有當年笑我泣牛衣

汲江煎茶

活水還須活火烹唐人云茶須緩火多活火煎自臨鈞石取深清大瓢

貯月歸春甕小杓分江入夜餅茶雨已翻煎處脚松風忽

作瀉時聲枯腸未易禁三盃坐數荒村長短更

澄邁驛通潮閣

餘生欲老海南村帝遣巫陽招我魂杳杳天低鵲沒處青

山一髮是中原

六月二十日夜渡海



參橫斗轉欲三更苦雨終風也解晴雲散月明誰點綴天  
容海色本澄清空餘魯叟乘桴意粗識軒轅奏樂聲九死  
南荒吾不恨茲遊奇絕冠平生

歐陽晦夫遺接羅琴枕戲作此詩謝之

攜兒過嶺今七年晚途更著衣冠白頭穿林要藤帽赤  
脚渡水須花縵不愁故人驚絕倒但使俚俗相恬安見君  
合浦如夢寐捉鬚握手俱沈瀾妻縫接羅霧縠細兒送琴  
枕水徽寒無絃且寄陶令意倒載猶作山公看我懷汝陰  
六一老眉宇秀發如春巒羽衣鶴氅古仙伯岌岌兩柱扶  
霜紈至今畫像作此服凜如退之加渥丹爾來前輩皆鬼  
錄我亦帶脫巾欹寬作詩頗似六一語往往亦帶梅翁酸  
送鮮于都曹歸蜀灌口舊居

東坡詩鈔

九十

籥盡霜鬚照碧銅依然春雪在長松朝行犀浦催收芋夜  
度繩橋看伏龍莫歎倦游無駟馬要將老健敵千鍾子  
三世惟身在爲向西南說病容

將至廣州用過韻寄邁迨二子

皇天遣出家臨老乃學道北歸爲兒子破戒堪一笑披雲  
見天眼回首失海濤蠻唱與黎歌餘音猶杳杳大兒牧衆  
穉四歲守孤嶠次子病學醫三折乃粗曉小兒耕且養得  
暇爲書繞我亦困詩酒去道愈茫渺紛紛何時定所至皆  
可老莫學柳儀曹詩書教氓獠亦莫事登陟谿山有何好  
安居與我游閉戶淨酒掃

次韻韶倅季通直

一篇瀧吏可書紳莫向長沮更問津老去常憂伴新鬼歸

來且喜是陳人曾陪令尹蒼髯古又見郎君白髮新回首  
天涯一惆悵却登梅嶺望楓宸

過嶺

暫著南冠不到頭却隨北雁與歸休平生不作兔三窟今  
古何殊貉一丘當日無人送臨賀至今有廟祀潮州劔關  
西望七千里乘輿真爲玉局游

留題顯聖寺

渺渺疎林集晚鴉孤村煙火梵王家幽人自種千頭橘遠  
客來尋百結花浮石已乾霜後水隄坑開試雨前茶祇疑  
歸夢西南去翠竹江村綠白沙

贈詩僧道通

雄豪而妙苦而腴祇有琴聰與蜜殊錢塘僧息聰總角善  
琴後拾琴而學詩復

東坡詩鈔

九十一

棄詩而學道其詩似皎然而加雄放安州僧仲殊語帶煙  
詩敏慧立成而工妙絕人遠甚殊辟穀常咬齋  
霞從古少李太白云他人之女如  
山氣含蔬笋到公無酸餽  
香村乍喜聞蒼苟古井惟愁斷轆轤爲報韓公莫輕許  
從今鳥可是詩奴

雷州三首

粵嶺風俗殊有疾時勿藥束帶趨房祀用史巫紛若絃歌  
薦繭粟奴至冷觴酌呻吟殊未史更把雞骨灼

粵女市無常所至輒成區一日三四遷處處售鯢魚青裙  
脚不韞臭味猿與狙孰云風土惡白洲生綠珠

海康臘已酉不論冬孟仲殺牛擣鼓祭城郭爲傾動雖非  
堯頡曆自我先人用苦突荆楚人嘉平臘雲夢

次韻董夷仲茶磨



前人初用茗飲時煮之無問葉與骨寢窳厥味白始用復計其初碾方出計盡功極至於磨信哉智者能創物破糟折杵向墻角亦其遭遇有伸屈歲久講求知處所佳者出自衡山窟巴蜀石工強鑄鑿理疎性軟良可啣予家江陵遠莫致塵土何人爲披拂

揚州以土物寄少游

鮮鯽經年秘醕醲團臍紫蟹脂填腹後春蓴苗活如酥先社莖芽肥勝肉烏子繫繫何足道點綴盤餐亦時欲淮南風俗事餅斝方法相傳竟留蓄且同千里寄鷄毛何用攷攷飲麋鹿

再過泗上

眼明初見淮南樹十客相逢九吳語旅程已付夜帆風客睡不妨背船雨黃柑紫蟹見江海紅稻白魚飽兒女慙懃買酒謝船師千里勞君勤轉楫

夜泊牛口

日落江霧生繫舟宿牛口居民偶相聚三四依古柳負薪出深谷見客喜且售菘蔬爲夜餐安識肉與酒朔風吹茆屋破壁見星斗兒女自呻憂亦足樂且久人生本無事苦爲世味誘富貴耀吾前貧賤獨難守誰知深山子甘與麋鹿友置身落巒荒生意不自陋今子獨何者汲汲強奔走

黃牛廟

江邊石壁高無路上有黃牛不服箱廟前行客拜且舞擊鼓吹簫屠白羊山下耕牛苦磽确兩角磨崖四蹄濕青芻半束長苦飢仰看黃牛安可及

渚宮

渚宮寂寞依古郢楚地荒茫非故基二王臺閣已鹵莽

王高何况遠聞縱橫時楚王獵龍擊靈鼓猛士操舟張水

嬉釣魚不復數魚鼈大鼎千石蛟螭當時郢人架宮殿

意思絕妙般與僮飛樓百尺照湖水上有燕趙千娥眉臨

風揚揚意自得長使宋玉作楚詞秦兵西來取鐘簷故宮

禾黍秋離離千年壯觀不可復今之存者蓋已甲池空野

迥樓閣小惟有深竹藏狐狸臺中絳帳誰復見臺下野水

一作浮清漪綠窓朱戶春晝閉想見深屋彈朱絲腐儒亦

解愛聲色何用白首談孔姬沙泉半涸草堂在破窓無紙

風颼颼陳公蹤跡最未遠七瑞寥落今何之百年人事知

幾變直恐荒廢成空陂誰能爲我訪遺迹草中應有湘東

碑

出峽

東坡詩鈔

九十三

入峽喜巉崑出峽愛平曠吾心淡無累遇境卽安暢東西  
徑千里勝處頗屢訪幽尋遠無厭高絕每先上前詩尚遺  
畧不錄久恐忘憶從巫廟回中路寒泉漲汲歸真可愛翠  
碧光滿盃忽驚巫峽尾岩腹有穿壙仰見天蒼蒼石室開  
南嚮宣尼古廟宇叢木作幃帳鐵楯橫半空俯瞰不計丈  
古人誰架構下有不測浪石甯見天困瓦棺悲古葬新灘  
阻風雪村落去攜杖亦到龍馬溪茆屋沾村釀玉虛悔不  
至實爲舟人誰問道石最奇寤寐見怪狀峽山富奇偉得  
一知幾喪苦恨不知名歷歷但想像今朝脫重險楚水渺  
平蕩魚多客庖足風順行意王追思偶成篇聊助舟人唱



瞿塘迤邐盡巫峽崢嶸起連峰  
稍可怪石色變碧翠天工  
運神巧漸欲作奇偉塊軋勢方  
深結構意未遂旁觀不暇  
瞬步步造幽邃蒼崖忽相逼絕  
壁凜可憐仰觀入九頂俊  
爽凌顛氣晃蕩天宇高奔騰江  
水沸孤超死不讓直拔勇  
無畏攀緣見神宇魁坐就石位  
巉巉隔江波一一問廟吏  
遙觀神女石綽約誠有以俯首  
見斜鬟拖霞弄脩破人心  
隨物變遠覺含深意野老笑吾  
旁少年嘗屢至去隨猿猱  
上反以繩索試石筍倚孤峰突  
兀殊不類世人喜神怪論  
說驚幼稚楚賦亦虛傳神仙安  
有是次問掃壇竹云此今  
尚爾翠葉紛下垂婆娑綠鳳尾  
風來自偃仰若爲神物使  
絕頂有三碑詰曲古篆字老人  
那解讀偶見不能記窮探

東坡詩鈔

九十四

到峰背採斫黃楊子黃楊生石  
上堅瘦紋如綺貪心去不  
顧澗谷千尋絕山高虎狼絕深  
入坦無忌洪濛草樹密葱  
蒨雲霞膩石竇有淇泉甘滑如  
流髓終朝自盥漱冷冽清  
心胃浣衣挂樹稍磨斧就石鼻  
徘徊雲日晚歸意念城市  
不到今十年衰老筋力憊當時  
伐殘木牙蘂已如臂忽聞  
老人說終日爲嘆喟神仙固有  
之難在忘勢利貧賤爾何  
愛棄去如脫屣嗟爾苦無還絕  
糧應不死

鮫魚行

漸臺人散長弓射初噉鮫魚人  
未識西陵衰老總帳空肯  
向北河親饋食兩雄一律盜漢  
家嗜好亦若肩相差食每  
對之先太息不因噎嘔緣瘡痂  
中間霸據關梁隔一枚何  
當千金直百年南北鮫菜通往  
往殘餘飽臧獲東隨海舶

號倭螺異方珍寶來更多磨沙淪瀋成大裁剖蚌作脯分  
餘波君不聞蓬萊閣下驢碁島八月邊風傳胡獠船舶跋  
浪龍鼉震長鏡鏗處崖谷倒膳夫善治薦華堂坐令雕俎  
生輝光肉芝石耳不足數醋芼魚皮真倚墻中都貴人珍  
此味糟泥油藏能遠致割肥方厭萬錢厨決背可醒千日  
醉三韓使者金鼎來方奩饋送煩輿臺遼東太守遠自獻  
臨菑掾吏誰爲材吾生東歸收一斛包苴未肯鑽華屋分  
送羹材作眼明却取細書防老讀

寄周安孺茶

大哉天宇內植物知幾族靈品獨標奇迥超凡草木名從  
姬且始漸播桐君錄賦詠誰最先厥傳惟杜育唐人未知  
好論著始於陸常李亦清流當年慕高躅遂使天下士嗜

東坡詩鈔

九十五

此偶於俗豈但中土珍兼之異邦鬻鹿門有佳士博覽無  
不囑邂逅天隨翁篇章互賡續開園頤山下屏迹松江曲  
有典卽揮毫燦然存簡牘伊予素寡愛嗜好本不篤越自  
少年時低回客京輶雖非曳裾者庇蔭或華屋頗見綺紈  
中齒牙厭梁肉小龍得屢試糞土視珠玉團鳳與葵花砒  
硃雜魚目貴人自矜惜捧玩且絨櫝未數日注卑定知雙  
井辱於茲自研討至味識五六自爾入江湖尋僧訪幽獨  
高人固多暇探究亦頗熟聞道早春時攜籬赴初旭驚雷  
未破蕾采采不盈掬旋洗玉泉烝芳馨豈停宿須臾布輕  
縷火候謹盈縮不憚頃間勞經時廢藏蓄髣髴淨無染箬  
籠勻且複苦良梅潤侵暖須人氣煨有如剛耿性不受纖  
芥觸又若廉夫心難將微穢瀆晴天敞虛府石碾破輕綠



永日遇閑賓，乳泉發新蘂。香濃奪醴露，色嫩欺秋菊。閩俗競傳誇，豐腴面如粥。自云葉家白，顛勝中山醪。好是一杯深，午恣春睡足。清風擊兩腋，去欲溷鴻鵠。嗟我樂何深，水經亦屢讀。陸子咤中冷，次乃康王。不蠟培項，曾嘗瓶罌走僮僕。如今老且懶，細事百不欲。美惡兩俱忘，誰能強追逐。薑鹽拌白土，稍稍從吾蜀。尚欲外中體，安能狗心腹。由來薄滋味，日飯止脫粟。外慕旣已矣，力爲此羈束。昨日散幽步，偶上天峰麓。山圃正春風，蒙茸萬旗簇。呼兒爲佳客，採製聊亦復。地僻誰我從，包藏置厨燂。何嘗較優劣，但喜破睡速。况此夏日長，人間正炎毒。幽人無一事，午飯飽蔬菽。困卧北窓風，風微動窓竹。乳甌十分滿，入世真局促。意爽飄欲仙，頭輕快如沐。昔人固多癖，我癖良可贖。爲問劉伯

倫胡然枕糟麪

東坡詩鈔

九十六

荊州六首

遊人出三峽，楚地盡平川。北客隨南賈，吳橋問蜀船。江侵平野斷，風捲白沙旋。欲問興亡意，重城自古堅。南方舊戰國，慘澹意猶存。慷慨因劉表，淒涼爲屈原。廢城猶帶井，古姓聚成村。亦解觀形勝，昇平不敢論。朱檻城東角，高王此望沙。江山非一國，烽火喪三巴。戰骨淪秋草，危樓倚斷霞。百年豪傑盡，擾擾見魚蝦。沙頭煙漠漠，來往厭喧卑。野市分麴閣，官帆過渡遲。遊人多問卜，倉吏盡攜龜。日暮江天靜，無人唱楚詞。殘牘多風雪，荆人重歲時。客心何草草，里巷自嬉嬉。爆竹驚鄰鬼，驅讎逐小兒。故人應念我，老望各天涯。

江水深成窟潛魚大似犀赤鱗如琥珀老枕勝玻璃上客  
舉雕俎佳人搖翠篔登庖更作器何以免屠割

去歲與子野遊逍遙堂日欲沒因並西山叩羅浮道  
院至已二鼓矣遂宿于西堂今歲索居僮耳子野  
復來相見作詩贈之

往歲追歡地寒窓夢不成笑談驚半夜風雨暗長檠雞唱  
山椒曉鐘鳴霜外聲只今那復見髣髴似三生

答子勉

君不登郎省還應上諫坡才高殊未識歲晚幸無他  
櫪馮羸難出鄰雞凍不歌寒爐餘幾火灰裏撥陰何

壺中九華詩

湖口人李正臣蓄異石九峰玲瓏宛轉若窓櫺然余欲

東坡詩鈔

九十七

以百金買之與仇池石爲偶方南遷未暇也名之曰壺  
中九華且以詩識之

我家岷蜀最高峰

一作清溪電轉先雲峰

夢裏猶驚翠掃空五嶺莫

愁千嶂外九華今在一壺中天池水落層層見

一作石泉影落涓涓

滴玉女窓明處處通念我仇池太孤絕百金歸買小

一作碧

玲瓏

過嶺寄子由

七年來往我何堪又試曹溪一勺甘夢裏似曾遷海外醉  
中不覺到江南波生濯足鳴空澗霧遶征衣滴翠嵐誰遣  
山雞忽驚起半岩花雨落毵毵

歇白塔舖

甘山廬阜鬱長望林隙依

一作熹微

漏日光吳國晚蠶初斷



葉占城早稻欲移秧迢迢澗水隨人急冉冉岩花撲馬香  
望眼儘從一作飛鳥遠白雲深處是吾鄉

西蜀楊耆二十年前見之甚貧今見之亦貧所異於

昔者蒼顏華髮耳女無美惡富者妍士無賢不肖  
貧者鄙使其逢時遇合豈減當世之士哉頃宿長  
安驛舍聞泣者甚怨問之乃昔富而今貧者乃作

一詩今以贈楊君

孤村漸一作雨逐秋涼道旅愁人怨夜長不寐相看唯櫪

馬愁吟一作悲歌互答有寒蟬天寒滯穗猶橫畝歲晚空機尚

倚墻勸爾一杯聊復睡人間貧富海茫茫

趙成伯家有姝麗僕忝鄉人不肯開樽徒吟春雪謹

依元韻以當一笑

東坡詩鈔

九十八

繡簾朱戶未曾開誰見梅花落鏡臺試問高吟三十韻俗

檢驗死秀才帶上有詩三十韻何如低唱兩三杯世傳陶穀學士買得鶯

雲水烹團茶謂妓曰妾家應不識此妓曰彼處人安有然

景但能於銷金暖帳下淺斟低唱吃羊羔兒酒耳陶然然

媿其莫嫌衰髯聊相映須得纖腰與共回知道文君隔青

鎖梁園賦客敢言才聊答來句義取婦人而已罪過罪過

獄中寄子由二首

聖主如天萬物春小臣愚暗自忘身百年未滿先償債十

口無歸更累人是處青山可埋骨他年夜雨獨傷神與君

世世爲兄弟更結人間未了因

栢臺霜氣夜淒淒風動琅璫月向低夢遶雲山心似鹿魂

飛湯火命如雞眼中犀角真吾子身後牛衣愧老妻百歲

神遊定何處桐鄉知莖浙江西獄中聞湖杭民爲余作解厄齋經月所以有此句也

出獄次前韻二首

百日歸期恰及春，殘生樂事最關身。出門便旋風吹面走馬，聯翩鵲啁人却對酒杯。渾是夢試拈詩筆，已如神此灾何必深。追咎竊祿從來豈有因。

平生文字為吾累，此去聲名不厭低。塞上縱歸他日馬，城中不鬪少年雞。休官彭澤貧無酒，隱几維摩病有妻。堪笑睢陽老從事，為余投檄向江西。  
子由開余下獄乞以官爵贖罪，貶筠州監酒。

次韻完夫再贈之什，某已卜居毗陵，與完夫有廬里

之約云

柳絮飛時笋籜斑，風流二老對開關。雪芽我為求陽羨，乳水君應餉惠山。竹簟水風眠晝永，玉堂制草落人間。應容

東坡詩鈔

九十九

緩急煩閭里，桑柘聊同十畝閒。

惠州近城數小山，類蜀道春與進士許毅野步會意

處飲之且醉作詩以記適參寥專使欲歸使持此

以示西湖之上諸友，庶使知余未嘗一日忘湖山

也

夕陽飛絮亂平蕪，萬里春前一酒壺。鐵化雙魚沉遠素，劍

分二嶺隔中區。花曾識面香仍好，鳥不知名聲自呼。夢想

平生消未盡，滿林煙月到西湖。

往年宿瓜步夢中得小詩錄示民師

吳塞蒹葭空碧海，隋宮楊柳只金堤。春風自恨無情水，吹得東流竟日西。

僕年三十九在潤州道上過除夜作此詩又二十年



在惠州錄之以付過

寺官官小未朝叅紅日半窓春睡酣爲報鄰雞莫驚覺更容殘夢到江南

釣艇歸時菖葉雨縈車鳴處棟花風長江昔日經遊地盡在如今夢寐中

送柳宜歸

折脚縮邊煨淡粥曲枝桑下飲離杯書生不是南遷客魍魎驚人須早回

寒具

乃捻頭出劉禹錫佳語

纖手搓來玉數尋碧油輕蘸嫩黃深夜來春睡濃於酒壓褊佳人纏臂金

劉監倉家煎米粉作餅子余云爲甚酥潘邠老家造

東坡詩鈔

一百

遙巡酒余飲之莫作醋錯着水來否後數日余攜家飲郊外因作小詩戲劉公求之二首

一杯連坐兩鬢基數片深紅入座飛十分嫩麗君休訴且看桃花好面皮

唐詩云未有桃花面皮先作杏子眼孔

野飲花間百物無杖頭惟挂一葫蘆已傾潘子錯著水更覓君家爲甚酥

絕句

柴桑春晚恁依依屋角鳴鳩雨欲飛昨日已收寒食火吹花風起却添衣

書辨才白雲堂壁

不辭清曉叩松扉却值支公久不歸山鳥不鳴天欲雪卷簾惟見白雲飛

和時運四首

丁丑二月十四日白鶴峰新居成。白嘉祐寺遷入詠淵  
明時運詩云斯晨斯夕言息其廬。以為余發也。乃次其  
韻。長子邁與余別三年矣。挈攜諸姪萬里遠。至老朽憂  
患之餘不能無欣然。

我卜我居居非一朝。龜不我欺食此江。郊廢井已塞。喬木  
干霄昔人伊何誰。其裔苗  
下有碧潭可飲可濯。江山千里供我遐矚。木固無脛瓦豈  
有足。陶匠自至嘯歌相樂。

我視此邦如沫如沂。邦人勸我老矣安歸。自我幽獨倚門  
或揮豈無親友雲散莫追。

旦朝丁丁誰欵我廬。子孫遠至笑語紛如翦髮。垂髻一作剪一作絲  
垂覆此鉢。壺三年一夢乃復見余。

東坡詩鈔

一百一

和勸農六首

海南多荒田俗以買香為業。所產稅稌不足於食。乃以  
諸芋雜米作粥糜以取飽。余既哀之。乃和淵明勸農詩  
以告其有知者。

咨爾漢黎均是一民。鄙夷不訓夫豈其真。怨忿劫質尋戈  
相因欺謾。莫訴曲自我人。

天禍爾土不麥不稷。民無用物怪珍是殖。播厥薰木腐餘  
是穢。貪夫汚吏鷹鷂狼食。

豈無良田。臚臚平陸。獸蹤交締。鳥喙諧穆。驚磨朝射。猛狝  
夜逐。芋羹藜糜。以飽耆宿。

聽我苦言。其福永久。利爾鋤耜。好爾鄰偶。斬艾蓬藿。南東



其畝父兄指筵以扶遊手

天不假易亦不汝置春無遺勤秋有厚冀雲舉雨決婦姑  
畢至我良孝愛袒跣何愧

逸諺戲侮傳奕頤鄙投之生黎俾勿冠履霜降稻實千箱  
一軌大作爾社一醉醇美

和歸田園居三首

環州多白水際海皆蒼山以彼無盡景寓我有限年東家  
著孔丘西家著顏淵車爲不二價農爲不爭田周公與管  
蔡恨不節三閭我飽一飯足薇蕨補食前門生餽薪米救  
我厨無煙斗酒與隻雞酣歌饒華顛禽魚豈知道我適物  
自閑悠悠何必爾聊樂我所然

窮猿旣投林疲馬初解鞅心空飽新得境熟夢想江鷗

東坡詩鈔

一百二

漸馴集蠶叟已還往南池綠錢生北嶺紫筍長提壺豈解  
飲好語時見廣春江有佳句我醉墮渺莽

老人八十餘不識城市娛造物偶遺漏同儕盡丘墟平生  
不渡江水北有幽居手插荔枝子合抱三百株莫言陳家  
紫甘冷恐不如君來坐樹下飽食攜其餘歸舍遺兒子懷  
抱不可虛有酒持飲我不問錢有無

與殷晉安別

和送昌化軍使張中罷官赴闕

孤生知永棄末路嗟長勤久安儋耳陋日與雕題親海國  
此奇士官居我東鄰卯酒無虛日夜棊有達晨小甕多自  
釀一瓢時見分仍將對牀夢伴我五更春暫聚水上萍忽  
散風中雲恐無再見日笑談來生因室吟清詩送不救歸

裴谷

和王撫軍座送客

再送張冲

胷中有佳處海瘴不能崩三年無所愧十口今同歸汝去  
莫相憐我生本無依相從大塊中幾合幾分違莫作往來  
相而生愛見悲悠悠含山日炯炯留清暉懸知冬夜長不  
恨晨光遲夢中無與別作詩記忘遺

形贈影

天地有常運日月無閑時孰居無事中作止推行之細察  
我與汝相因以成茲忽然秉物化豈與生滅期夢時我方  
寂愜然無所息胡爲有哀樂輒復隨漣瀉而我舞汝凌亂相  
應不少疑還將醉時語答我夢中辭

影答形

丹青寫君容常恐畫師拙我依月燈出相肖兩奇絕妍媸

東坡詩鈔

一百三

本在君我豈相媚悅君如火上煙火盡君乃別我如鏡中  
像鏡壞我不滅雖云附陰晴了不受寒熱無心但因物萬  
變君有竭醉醒皆夢爾未用議優劣

神釋

二子本無我其初因物著豈惟老變衰念念不如故知君  
非金石安足長託附莫從老君言亦莫用佛語仙山與佛  
國終恐無是處甚欲隨陶翁移家酒中住醉醒要有盡未  
易逃諸數平生逐見戲處處餘作具所至人聚觀指目生  
毀譽如今一弄火好惡都焚去旣無負載勞又無寇攘懼  
仲尼晚乃覺天下何息慮

怨詩楚調示麗主簿鄧治中

當歡有餘樂在戚亦頽然淵明待此理安處故有年嗟我



與先生所賦良奇偏人間少宜適惟有歸耘田我昔墮軒  
冕毫釐真市廛因來卧重衲憂愧自不眠如今破茅屋一  
夕或三遷風雨睡不知黃葉滿枕前寧當出怨句慘慘如  
孤煙但恨不早悟猶推淵明賢

和移居二首

余去歲三月自水東嘉祐寺遷居合江樓迨今年多  
病寡歡頗懷水東之樂也得歸善縣後隙地數畝父老  
云古白鶴觀也意欣然欲居之乃和此詩

昔我初來時水東有幽宅晨與烏鵲朝暮與牛羊夕誰令  
遷近市日有造請役歌呼雜問巷鼓角鳴枕席出門無所  
詣樂事非宿昔病瘦獨彌年束薪誰與析

洞潭轉碕岸我作江郊詩今爲一屨氓此地乃得之葺爲

東坡詩鈔

一百四

無邪齋息我無所思古觀廢已久白鶴歸何時我豈了令  
威千歲復還茲江山朝福地古人不吾欺

歲暮作和張常侍

十二月二十五日酒盡取米欲釀米亦竭時吳遠遊陸  
道士客於余因讀淵明歲暮和張侍常亦以無酒爲歎  
乃用其韻贈二子

我生有天祿玄膺流玉泉何事陶彭澤乏酒每形言仙人  
與道士自養豈在繁但使荆棘除不憂梨棗愆我年六十  
一類景薄西山歲暮似有得稍覺散亡還有如千丈松常  
苦弱蔓纏養我歲寒枝會有解脫年米盡初不知但怪飢  
鼠遷二子真我客不醉亦陶然

和郭士簿

今日復何日高槐布初陰良辰非虛名清和盈我襟孺子  
卷書坐誦詩如鼓琴却念四十年玉顏如汝今閉戶未嘗  
出出爲鄰里欽家世事酌古百史手自斟當年二老人喜  
我作此音淮德入我夢角羈未勝簪孺子笑問我君何念  
之深

和連雨獨飲

平生我與爾舉意輒相然豈止磁石鍼雖合猶有間此外  
一子由出處同偏僂晚景最可惜分飛海南天糾纏一作纏  
不吾欺寧此憂患先顧影一盃酒誰謂無往還寄語海北  
人今日爲何年醉裏有獨覺夢中無雜言

和贈羊長史

得鄭會嘉靖老書欲於海舶載書千餘卷見借因讀淵  
東坡詩鈔 一百五

明贈羊長史詩云愚生三季後慨然念黃虞得知千載  
事上賴古人書次其韻以謝鄭君

我非皇甫謐門人如犖虞不特兩鴟酒肯借一車書欲令  
海外士觀經似鴻都結髮事文史俯仰六十踰老馬不耐  
放長鳴息服輿故知根塵在未免病藥俱念君千里足歷  
塊猶踟躕好學真伯業比肩可相如此書久已熟救我今  
荒蕪顧慙桑榆迫豈厭詩酒娛秦賦病未能草玄老更疎  
猶當距楊墨稍欲懲荆舒

游斜川和正月五日與兒子過出游作

謫居澹無事何異老且休雖過靖節年未失斜川游春江  
渌未波人卧船自流我本無所適泛泛隨鳴鷗中流遇湫  
洄捨舟步曾丘有口可與飲何必逢我儔過子詩似翁我



唱兒輒酬未知陶彭澤頗有此樂不問黠爾何如不與聖  
同憂問翁何所笑不爲由與求  
和癸卯歲始春懷古田舍

茆茨破不補嗟子乃爾貧菜肥人愈瘦竈闌井常勤我儂  
致薄少解衣勸坐人臨池作虛堂雨急瓦聲新客來有美  
載果熟多幽欣丹荔破玉膚黃柑溢芳津借我三畝地結  
茆爲子鄰鳩舌儻可學化爲黎母民

和飲酒五首

道喪士失已出語輒不情江左風流入醉中亦求名淵明  
獨清真談笑得此生身如受風竹掩冉衆葉驚俯仰各有  
態得酒詩自成

蠶蠕食葉蟲仰空慕高飛一朝傳兩翅乃得粘網悲啁啾  
東坡詩鈔 一百六

厭巢雀沮澤疑可依赴水生兩殼遭閉何時歸二蟲竟誰  
是一笑百念衰幸此未化間有酒君莫違

籃輿兀醉守路轉古城隅酒力如過雨清風消半途前山  
正可數後騎且勿驅我緣在東南往寄白髮餘遙知萬松  
嶺下有三畝居

我夢入小學自謂總角時不記有白髮猶誦論語辭人間  
本兒戲顛倒略似茲惟有醉時真空洞了無疑墜車終無  
傷莊叟不吾欺呼兒具紙筆醉語輒錄之

曉曉六男子絃誦各一經復生五丈夫戢戢丁欲成歸田  
了門戶與國充踐更普兒初學語玉骨開天庭准老如鶴  
雛破殼已能鳴舉酒屬千里一歡愧凡情

和止酒

丁丑歲余謫海南子由亦貶雷州五月十一日相遇於  
藤同行至雷六月十一日相別渡海余時病痔呻吟子  
由亦終夕不寐因誦淵明詩勸余止酒乃和元韻因以  
贈別庶幾真止矣

時來與物逝路窮非我止與子各意行同落百蠻裏蕭然  
兩別駕各攜一稚子子室有孟光我室惟法喜相逢山谷  
開一月同卧起茫茫海南北粗亦足生理勸我師淵明力  
薄且爲己微疴坐杯勺止酒則瘳矣望道雖未濟隱約見  
津溪從今東坡室不立杜康祀

還舊居和夢歸惠州白鶴山居作

痠人常念起夫我豈忘歸不敢夢故山恐興墳墓悲生世  
本暫寓此身念念非鵝城亦何有偶拾鶴毳遺窮魚守故  
沼聚沫猶相依大兒常門戶時節供丁推夢與鄰翁言憫  
默憐我衰往來付造物未用相招麾

和庚戌歲九月中於西田穫早稻

蓬頭二犂奴誰謂愿且端晨興洒掃罷飽食不自安願治  
此圃畦少資主游觀晝功不自覺夜氣乃潛還早韭欲爭  
春晚松先破寒人間無正味美好出艱難早知農圃樂豈  
有非意干尚恨不持鉏未免驛我顏此心苟未降何適不  
間關休去復歇去菜食何所歎

和丙辰歲八月中於下溪田舍穫

聚糞西垣下鑿泉東垣隈勞辱何時休宴安不可懷天公  
豈相喜雨霽與意諧黃菘養土羔老楮生樹雞未忍便烹  
煮繞觀日百迴跨海得遠信水盤鳴玉哀齒陳黠膾縷照



坐如花開一與蠶叟醉蒼顏兩摧頰齒根日浮動自與梁  
肉垂食菜豈不足一作呼兒折雞栖

和乙己歲三月爲建威參軍使都經錢溪

喬木卷蒼藤浩浩崩雲積謝家堂前燕對語悲宿昔仰看  
桃榔樹玄鶴舞長鬮新年結荔子主人黃壤隔谿陰宜館  
我稍省薪水役相如賣車騎五畝亦可易但恐鵬鳥來此  
生還蕩析誰能插籬櫺護此處竹栢和游城北謝氏廢園

辛丑七月赴假還江陵夜行途中作口號和郊行步

缺月不早出長林踏青真人吠主人怒愧此闕里情怪我  
夜不歸蒞袂窺紫荆雲間與地上待我兩友生驚鳴再三  
起樹端已微明白露淨原野始覺丘陵平暗蛩方夜績孤  
螢亦霄征歸來閉戶坐寸田且黠耕莫赴花月期免爲詩

東坡詩鈔

一百八

酒滌詩人如布穀聒聒常自名

和雜詩二首

斜日照孤隙始知空有塵微風動衆竅誰信我忘身一笑  
問兒子與汝定何親從我來海南幽絕無四鄰耿耿如缺  
月獨與長庚晨此道固應爾不當怨尤人

故山不可到飛夢隔五嶺真游有黃庭閉目寓兩景室空  
無可照火滅膏自冷披衣起視夜海澗河漢永西窓半明  
月散亂梧楸影良辰不可繫逝水無留騁我齒期後枯持  
此一念靜

和擬古四首

有客叩我門繫馬門前柳庭空鳥雀散門閉客立久主人  
枕書卧夢我平生友忽聞剝啄聲驚散一杯酒倒囊起謝

客夢覺兩愧負坐談雜今古不答顏愈厚問我何處來我  
來無何有

客去室幽幽鵬鳥來坐隅引吭伸兩翮太息意不舒吾生  
如寄耳何者爲我廬去此復何之少安與汝居夜中聞長  
嘯月露荒榛蕪無問亦無答吉凶兩何如

少年好遠遊蕩志隘八荒九 爲藩籬四海環我堂盧生  
與若士何足期香茱稍喜海南州自古無戰場奇峰望黎  
母何異嵩與却飛泉瀉萬仞舞鶴雙低昂分汜未入海骨  
澤彌此方芋魁儻可飽無肉亦奚傷

黎山有幽子形槁神獨完負薪入城市笑我儒衣冠生不  
聞詩書豈知有孔顏儵然獨往來榮辱未易關日暮鳥獸  
散家在孤雲端問答了不通歎息指屢彈似言君貴人草

東坡詩鈔

一百九

奔栖龍鸞遺我吉貝布海風今歲寒

和桃花源詩

世傳桃源事多過其實攷淵明所記止言先世避秦亂  
來此則漁人所見似是其子孫非秦人不死者也又云  
殺雞作食豈有仙而殺者乎舊說南陽有菊水水甘而  
芳民居三十餘家飲其水皆壽或至百二三十歲蜀青  
城山老人村有見五世孫者道極險遠生不識鹽醢而  
溪中多枸杞根如龍蛇飲其水故壽近歲道稍通漸能  
致五味而壽亦益衰桃源蓋此比也歟使武陵太守得  
而至焉則已化爲爭奪之場久矣嘗意天壤之間若此  
者甚衆不獨桃源余在潁州夢至一官府人物與俗間  
無異而山川清遠有足樂者顧視堂上榜曰沆池覺而



念之仇池武都氏故地楊難當所保余何爲居之明日  
以問客客有趙令時德麟者曰公何爲問此此乃福地  
小有洞天附庸也杜子美蓋云萬古仇池穴潛通小  
有天神魚人不見福地語真傳近接西南境長懷十九  
泉何時一茆屋送老白雲邊他日工部侍郎王欽臣仲  
至謂余曰吾嘗奉使過仇池有九十九泉萬山環之可  
以避世如桃源也

凡聖無異居清濁共此世心閑偶自見念起忽已逝欲知  
真一處要使六用廢桃源信不遠藜杖可小憇躬耕任地  
力絕學抱天藝臂雞有時鳴尻駕無可稅苓龜亦晨吸祀  
狗或夜吠耘樵得甘芳齧齧謝炮製子驥雖形隔淵明已  
心詣高山不難越淺水何足厲不知我仇池高舉復幾歲  
從來一生死近又等癡慧蒲澗安期境在廣羅浮稚川界  
夢往從之遊神交發吾蔽桃花滿庭下流水在戶外却笑  
逃秦人有畏非真契

和劉棻

萬劫互起滅百年一踟躕漂流四十年今乃言卜居且喜  
天壤間一席亦吾廬稍理蘭桂藁盡平狐兔墟黃櫨出舊  
枿紫茗抽新畬我本早衰人不謂老更劬邦君助畚鍤鄰  
里通有無竹屋從低溪山窓自明疎一飽便終日高眠忘  
百須自笑四壁空無妻老相如

